

Fanh Aen Daengdah Diemj Rongh Dahswghyangh

万盏河灯耀资江

□ Maj Veiungz comz hoiz

Liggaeuq caet nyied cibseiq doengxhaemh, henz Dahswghyangh vunz lai vunz daih, ndaetfwdfwd. Sing fwen rwenz raeuh, ienva diemj rongh baenz mbiengj mbwn, doengh aen daeng goulungz gwnz Dahswghyangh riengz rongh hwnjdaeu, doeklaeng haujai daengdah caemh deng diemj rongh. Doenghgi daengdah guh ndaej gyaunde, lai cungj lai yiengh, hoengzhoengz heuheu, hunghung iqi cungj miz, lumj gij ndaundeiq gwnz-mbwn nei, dak miz maqmuengh riengz raemxdah riuz bae. Neix couhwdg ciet daengdah Swhyzn lo.

Gij yienhceiq Swhyzn geiq naeuz, gaxgonq mbouj caengz miz diuz dietloh Sienghgei, Dahswghyangh couhwdg diuz lohraemx dai Gveibaek doeng daengz Huznanz youqgaenj ndeu. Mwh Dangzcauz Sungcauz, song dieg sojmiz gaicawx hozdung cungj dwg byaij diuz lohraemx neix. Boux-seng' eiq caeuq bouxru baenz bi cungj naengh ruz baedauq, aenvih rumz hung langh gip, ciengzseiz miz ruz boek le ngaiz dai vunz. Ndigah, moix bi caet nyied cibseiq, gyoengq-vunz couh bae henz dah caeuq doengh boux daiuengj de guhdauh. Guh sat le youh cuengq geij aen daengdah haeu ndawdah bae, it dwg caeuq doengh duz fangzlangh yinx roen, ngeih dwg cawz yakrwix siu cainanh, mbaenjgouz saehsah cungj swnh.

Bi 1995, Swhyzn Yen Yinzminz Cwngfuj raen yienghneix le couh dawz ciet daengdah Dahswghyangh caeuq ciet eufwen Mbanjmyauz Vujbaiz gyonj youq ngoenz caet nyied cibseiq bae guh mbat dog. Neix couhwdg Gaiq Daih' it Ciet Eu Fwen Cuengq Daeng. Baezlaeng, moix bi caet nyied cibseiq cwngfuj couh youq ndawyen guh aen ciet neix lo, yinx ndaej haujai

hekyouz daeu guhcaemz.

Fung Vwnzswn bineix ndaej 64 bi lo, dwg boux lauxcangh guh daeng laeng Swhyzn gig mizmingz ndeu. Ranz de dai ciuhgeq couh rox guh daengdah lo. De 8 bi riengz daxboh de hag guh daeng, seizneix daeglwg, mehbawx caeuq lanmbwk de cungj rox guh daeng, daiq daeglan iq de cungj rox guh daeng va' ngaeux dem. Bibi loeg caet nyied, de cungj heuh vunz-mbanj itheij daeu guh daeng. Neix mboujdan hawj vunzmbanj demsou, lij hawj gij dinfwngz guh daeng ndaej ciepcienz dem.

Doenghbaez, guh daeng cungj dwg miz gaiqmaz couh aeu gaiqmaz ma guh. Fung Vwnzswn naeuz, cungj daeng neix ceiq caeux heuhguh "daengreb". Aen debdaeng dwg aeu reb gyaux mba caiq gya di raemx ma naengj baenz, caiq aeu youz caeuq raemxreiz doxgyaux ndei, aeu ganj-ngaex guh muenz, neix couhwdg gij sim aendaeng lo. Caiq aeu faexcuk ma guh aen' gyaq, aeu ronghfaengx ma guh gij naeng baihrog. Daiq nyumx saek cungj dwg bae ndawndoeng ra doenghgo yw' nyumx ma nyumx. "Saekhoengz dou aeu gogaew-lwed, saekhenj dwg aeu govuengzgae henj, saek hoengznding cix aeu gocaenghnaengh."

Gajlaeng coh miz daeng gingq-saenz, daeng va' ngaeux, daeng faengxgaeuyiengz sam cungj daeng neix. Daeng gingqsaenz dwg aeu seiq diuz saeu guh goetgangq, caiq aeu dungh ut baenz ndangdaeng, seiq naj aeu ceijmbang nem hwnjbae, gwnzde cix raiz miz doenghgi vah ndei haenx, aeu lab roxaeuz aeu debdaeng coux youzcehbyaek cap diuz muenz le cuengq haeu ndawde bae, aen daeng ndeu couh guh ndei lo. Daeng va-



▲ Swhliu doz: Vunzmbanj guh daeng.

ngaex dwg dawz ceij hajsak daet lumj dujva' ngaex hai dwk cingq hoengh nei, dawz gijde nem haeu aen debdaeng bae, neix dwg cungj daeng ceiq heih guh ndeu. Gij caizliu guh daeng faengxgaeuyiengz haemq daegbied. Gyoengqvunz hwnj ndoi bae ra iengcoengz ma, dub soiq le couh aeu ceij duk hwnjdaeu, gaenx lumj aen faengxgaeuyiengz nei, gwnzde soem lajde luenz. Youh dawz gijde nem haeu bajbenj bae. Cungj daeng neix mwh ngamq diemj seiz gij feiz ronghmyabmyab, gajlaeng yied dawz yied hoengh, rumz baez ci de, lumj baenz duj baenz duj va hoengz youq ndaw dah doenghyubyub.

Riengz dwk seizdaih hwngfat, couh miz lai cungj lai yiengh daengdah lo, lumjbaenz daeng lungz-

fung, daeng batgak, daeng gung daengj. Gij yienghceij gak mbouj doxdoengz, lumj doenghduz doenghgo daengj. Doengh aen iq de ngamq geij conq hung, doengh aen loet de cix miz geij ciengh hung. Ndwade cungj ceiq hungloet ndeu dwg daeng duzlungz lo. Aen ndeu aiq miz saek cib mij raez, guh ndaej gig gyaqciq.

Gyawj geij bi neix doxdaeu, Swhyzn Yen gaenxmaenx banh ban son' gyaug guh daengdah, roengzrengz gungganq buek canghghdaeng oiq. Miz haujai bouxcoz lij bae daengz ndawranz ra Fung Vwnzswn hag guh daeng dem. Neix hawj de gig simhai. De naeuz, cijaeu gij dinfwngz neix mbouj gatcied, conzdungj couh mbouj rox duenh.



Swhliu doz.